

**EDIBOT ERERIMBOT**  
**Genesis 1:1-25**  
**AKPA IBUOT UKPEP-ŃKPỌ**  
**Eke Ikpọ Owo**

**IKỌ IBUOT: “Oto mbuotidem nnyin inim ite, ekeda ikọ-inua Abasi ebote ererimbot; ntem ke ikadaha mme ńkpọ eke ewọrọde ewut idem ibot se ekutde ke emi” (Mme Hebrew 11:3).**

**I Utom Edibot Ke Akpa Ye Qyọhọ Usen Iba**

- 1 Abasi edi Andibot Enyọñ ye isọñ, Genesis 1:1
- 2 Ke akpa editọñọ edibot ńkpọ, isọñ ekedi ikpikpu ye ukpọk, uñwana iduhe, ana ukpọ k--kpukpru ekedi anana mbiet ńkpọ, Genesis 1:2
- 3 “Abasi ọdọhọ ete yak uñwana odu: ndien uñwana odu,” ndien ewuk ete okoneyo ye uwemeyo edu, Genesis 1:3-5
- 4 Qyọhọ ńkpọ ita emi ekebotde ekedi ikpa enyọñ ndibahare mmọñ, Genesis 1:6
- 5 Ema ebahare mmọñ emi odude ke idak ikpa enyọñ ye mmọñ emi odude ke ikpa-enyọñ, Genesis 1:7
- 6 Ndien Abasi okot ikpa enyọñ ete Heaven, Genesis 1:8

**II Utom Edibot Ke Qyọhọ Usen Ita Ye Inañ**

- 1 Ema enam mmọñ ke idak ikpa enyọñ oboho ke ebiet kiet ndien edisat isọñ ọwọrọ, Genesis 1:9
- 2 Abasi okot edisat isọñ ete obot, onyũ okot mmọñ emi obohode ete inyañ, Genesis 1:10
- 3 Isọñ otibe mbiet ye mme eto mfri, Genesis 1:11-13
- 4 Abasi onim mme uñwana ke ikpa enyọñ, Genesis 1:14
- 5 Abasi anam akamba uñwana ete akara uwemeyo ye ekpri uñwana ete akara okoneyo, Enye anam mme ntantafioñ ńko, Genesis 1:15-19

**III Utom Edibot Ke Qyọhọ Usen Ition Ye Itiokiet**

- 1 Abasi ama obot udim-udim unam emi ekemede ndisaña ete edu ke mmọñ ye mme inuen ndife ke enyọñ; Genesis 1:20
- 2 Abasi anam kpukpru unam eke edude uwem ye kpukpru inuen eke enyenede mba ke oruk mmọ, Genesis 1:21-23
- 3 Isọñ isioño unam eke edude uwem ke oruk mmọ, ufene ye andinyọni ye unam obot, Genesis 1:24, 25.

**SE EKPEPDE EBAÑA**

Akpa ufañ ke ńwede Abasi ọdọhọ ete, “Ke eritọñọ Abasi okobot enyọñ ye isọñ.” Ntem ke Abasi Andibot ofuri ererimbot eketiñ mme ikọ emi. Ndien ikọ emi ọyuhọ owo ekededi eke onimde ńwede Abasi ke akpanikọ ete ke Abasi edi Andibot ofuri ererimbot ye kpukpru se idude ke esit.

Ke ini edidọhọ ete ke Abasi akanam iyomke mfaña mme se ekpedade esọñọ utom obot, edi mme itie efen ke Utibe ńwede Esie edu emi etiñde ńkpọ ebaña ukpep-ńkpọ edibot, emi ańwamde ndisọñọ mbuotidem ke se edọhọde nte uwut-ńkpọ ke ikọ andiwet Psalm ete: “Mme heaven ke ebuk ubọñ Abasi, ikpa enyọñ onyũ etiñ se ubọk Esie anamde. Uwemeyo eneme ye uwemeyo, okoneyo onyũ eteme okoneyo ifiọk. Nneme iduhe, ikọ inyũ iduhe, inyũ ikopke uyo mmọ baba” (Psalm 19:1-3). Mme heaven ye isọñ ńko ke eyarade enọ owo ke ediwak usuñ emi owo mikemeke ndibat, ebe ke mme ntantafioñ, inyañ, ikpọ obot, ye eto ete ke Abasi edi Andibot kpukpru mme ńkpọ emi odude.

**Nte Spirit Adade Usũ**

Mme mmọ emi ekpepde Edisana ńwede Abasi enyime ete ke Moses edi owo emi Abasi akadade ewet akpa ńwede ition ke Edisana ńwede Abasi. Ekeme ndikpa owo idem ke abaña nte Moses ekekemede ndiwet nte



Ke abaña Eyen ewet ntem ete: “Oto ke Enye ekenam kpukpru ñkpọ; ndien mitoho ke Enye inamke ñkpọ baba kiet eke ekenamde” (John 1:3); ye itie efen: “Koro ke Enye ke ekebot kpukpru ñkpọ ke enyọñ ye ke isoñ, se enyin owo okutde ye se enyin owo mikwe” (Ñwed Mbon Colossae 1:16).

Emi edi se ikotde ibaña Edisana Spirit ke itie ñwed emi, “Spirit Abasi onyuñ ọkubọ ke mmọñ” (Genesis 1:2); ndien etọñọ ntak ewet ete: “Spirit Esie anam ikpa enyọñ edi uyai; edi ubọk Esie okobot urukikọt itọk” (Job 26:13). Ntem ke Abasi Ete ye Eyen ye Edisana Spirit ekebot ererimbot.

### **Edibot Ererimbot Ke Nde Ke Nde**

Usuñ nte Abasi okobotde ererimbot ke usen ke usen edi utibe ñkpọ. Akwa uduak Abasi ekedi ndinam ererimbot nnọ owo. Man enim owo uwem mi ke ererimbot, akana nte ebeñe ererimbot man ebọt mme odu uwem ñkpọ esin. Edibot ñkpọ ke adiana ke adiana ayarade akwa ifiọk ye eti ndutim. Abasi ekebem iso anam isoñ emi ekeđide ikpikpu ye ukpọk ndien ekim ọkọkubọ ke enyọñ inyañ. Ọyọhọ utom Esie efen ekedi ndidọhọ uñwana odu; koro uñwana ye ufiop emi odude edi se ifonde ye uwem owo.

Enye anam ikpa-enyọñ adianare ọkpọñ isoñ, anam ufiop ọsuhọre onyuñ abahare mmọñ emi odude ke enyọñ ye enye eke odude ke isoñ (ikpọ akpa). Ntre ke ikpọ akpa ye enyọñ ye ntuhube enam uwem ọfọn ke isoñ. Mme mbiet, mme mfri ye mme eto emi edi mme ñkpọ efen emi Abasi akanamde kpukpru mmọ ye mkpasip ke oruk mmọ. Mme ekpep ñkpọ mbaña ererimbot etiñ enọ nnyin ete ke mbahare Iba ke itie ita ke ofuri iso isoñ ọyọhọ ye mmọñ, una-isoñ edi itie kiet. Oto ke editim ndomo mmọñ emi ufiop ofim adade ọdọk enyọñ ekut ete ke ubahare emi ọfọn ntre mbak mbara ekeme ndibit isoñ nte ọnọde uwem. Ifiọk Abasi nnyin edi oro: Enye adian do ndinam utin akara ke uwemeyo, ọfiọñ ke okoneyo, mme edem enyọñ do ye mme ntanta-ọfiọñ emi esemde nte diamond ke enyọñ. “Oto mbuotidem nnyin inim ite ekeda ikọ-inua Abasi ebọt ererimbot” (Mme Hebrew 11:3).

Ñkpọ efen ke adiana ke adiana ekedi uwem unam; koro mbiet, mfri ye mme eto mfri enọ udia. Mme unam eke edude uwem eyọhọ mme mmọñ; mme inuen mba efe ke ofim, mme unam ikọt, me enañ ye kpukpru mme andinyoni ke isoñ. Abasi ikayakke ñkpọ ndomo kiet emi ọfọn de ye owo etre ndidu ke ererimbot.

Mme ebiet emi ebọkde iyak, ye ebiet emi etọde ndiye flawa ye mme ebiet emi ebonde nsio nsio unam emi mme owo ebọkde, etiñ enọ nnyin ebaña unana utit utibe ubọk utom Abasi. Enye inamde ediwak udia ye ọfọñ ye ufọk iduñ ikpọñ edi Enye adian uyai ke mme ubọk utom Esie man eye owo ke enyin, oto ke mme flawa ye mme eto ye mme inyañ ye mme ikpọ ñkoñ-ñkoñ obot ye ediwak ñkpọ efen. “Yak kpukpru ñkpọ eke eduokde ibifik etoro Jehovah” (Psalm 150:6).

### **MME MBUME**

- 1 Anie ekewet ñwed Genesis?
- 2 Mme ñwed ewe efen ke enye ekewet?
- 3 Genesis ọwọrọ nso?
- 4 Nso ikọ ke eda etọñọ ñwed emi?
- 5 Usen ifań ke Abasi akada obot mme ñkpọ?
- 6 Tiń se Abasi okobotde ke usen ke usen ke adiana ke adiana.
- 7 Nso ke Abasi eketiń ke ini Enye ekesede kpukpru se Enye okobotde?
- 8 Nso oruk ibon emi ekotde idem mme anam nduñre-ifiọk (scientists) eneni mfin emi se ewetde ke Ñwed Abasi ebaña nte Abasi okobotde ñkpọ?